

アイヌタイムズ 2003年(平成15年)9月22日 月曜日 第27号

---

# **アイヌタイムズ**

## **第27号**

## エルムキナ

erumkina

オオバコ アナク 日本 エピッタ アン ワ、ウサ ア・ポロセ ブ (レヘ)  
オカ。エネ ア・イエ ヒ; 「オンバコ」 「オバコ」 「ギャーロッパ」 「カエロッパ」 「ゲエーロッパ」 「マルバ」 「マルコバ」 「テリコバコ」 セコロ ア・イエ。アイヌイタク アニ 「エルムキナ」  
セコロ ア・イエ ブ ネ ルウェ  
ネ。

知里 真志保『分類アイヌ語辞典』 カタ エネ ア・ヌイエ ヒ; 「ネ ウコンコ エレム サラ ネノ アン クス、ネワアンペ 「エルムキナ」 セコロ  
ア・イエ ブ ネ ルウェ ネ、セコロ  
シネ オンネ クル ハウェアン」  
セコロ ア・ヌイエ ワ アン。

川上 まつ子 カッケマツ エネ ハウ  
エアニ; 「ネワアンペ ア・ポブテ ワ  
ア・ク ヒ カ アン。ア・コトウッカ



オオバコ 写真提供:姉帶正樹氏

*obako anak Nippon epitta an wa, usa a=pórose p (rehe) oka. ene a=ye hi; “onbako”, “obako”, “gyâroppa”, “kaeroppa”, “gêroppa”, “maruba”, “marukoba”, “terikobako” sekor a=ye. aynu itak ani “erumkina” sekor a=ye p ne ruwe ne.*

*Chiri Mashihō “bunrui-aynu-go-jiten” ka ta ene a=nuye hi; “ne ukonko ermu sar néno an kusu, néwaanpe ‘erumkina’ sekor a=ye p ne ruwe ne, sekor sine onne kur hawean” sekor a=nuye wa an.*

(『知里真志保著作集 別巻I 分類アイヌ語辞典 植物編・動物編』 1976年 平凡社 p.33 の意訳)

*Kawakami Matsuko katkemat ene hawean i; “néwaanpe a=popte wa a=ku hi ka an. a=kotukka →*

ヒ カ アン。アクス、ネワアンペ  
オロワ ウエン ペネ プ ア・サンケ  
セコロ ア・イエ ルウェ ネ。ウエン  
ペネ プ ア・サンケ コロ、イエヌ ワ  
ピリカ ルウェ ネ。カンナ カンナ  
ア・イタサレ ルウェ ネ。エルムキナ  
ア・カラ ワ ナニ ア・セセッカ コ  
ロ、リテン ワ ア・エイワンケ エアシ  
カイ。

ネワアンペ 赤痢 アン ヒ タ ア・  
ポプテ ワ ア・ク コロ イヨッタ ピ  
リカ ルウェ ネ。ク・オナ レ チュブ  
ウトウッタ パクノ 赤痢 カラ ヒ  
タ、ナ タストウイ アンキ クニ ク・  
ラム。コロカ、ヘトポ ホロカ シクヌ  
ワ、イネ ホッネ パ パクノ アン ル  
ウェ ネ。ネ タスム ア・ピリカレ ク  
ニ ア・クレ ヒ ケシカルン。

クンネ アユシニ シンリツ ネヤ、エ  
ルムキナ シンリツ ネヤ、ア・ポプテ  
ワ ア・ナムカ ヒネ、ワッカ ク ルス  
イ クル アン ヒ タ ア・クレ ルウ  
エ ネ。

中本 ムツ子 カッケマツ エネ ハウ  
エアニ; 「ク・セトゥル フポ コロ ト  
ット エルムキナ セセッカ ワ エン・  
コトウッカ アクス ピリカノ イエ  
ヌ」。

日本、千島、カラフト(サハリン)、中  
国、台湾、東シベリア、マレーシア オロ  
ウシ ペ ネ。ヌプ カ ウシ ヤヤン  
キナ ネ ルウェ ネ。エルムキナ ア  
ナク 「Plantago asiatica」 セコロ 学  
名 アン。「asiatica」 アナク 「アジ  
ア」 セコロ ア・イエ ヒ ネ ルウェ

hi ka an. akusu, néwaanpe orowa wen pé-  
ne p a=sanke sekor a=ye ruwe ne. wen pé-  
ne p a=sanke kor, yénu wa pirkka ruwe ne.  
kanna kanna a=itasare ruwe ne. erumkina  
a=kar wa nani a=sésekka kor, riten wa a=  
eywanke easkay.

néwaanpe sekiri an hi ta a=popte wa a=  
ku kor iyotta pirkka ruwe ne. ku=ona re cup  
utur ta pakno sekiri kar hi ta, na tasutuy  
anki kuni ku=ramu. korka, hetopo horka  
siknu wa, íne hotne pa pakno an ruwe ne.  
ne tasum a=pirkare kuni a=kúre hi k=esika-  
run.

kunne ayusni sinrit neya, erumkina sinrit  
neya, a=popte wa a=namka híne, wakka ku  
rusuy kur an hi ta a=kúre ruwe ne.”

(『川上まつ子の伝承 - 植物編1 -』 (財)アイヌ民族博物館  
編 1999年 (財)アイヌ民族博物館 p.18~p.20 の意訳)

*Nakamoto Mutsuko* katkemat ene hawean i; “ku=seturu húpo kor totto erumkina  
sésekka wa en=kotukka akusu pirkano yé-  
nu”.

(『アイヌの知恵・ウパシクマ』 1999年 片山言語文化研究  
所 p.20からの引用)

*Nippon, Chishima, Karapto (Saharin),  
Chûgoku, Taiwan, Higashi-Siberia, Marê-  
sia* or us pe ne. nup ka us yayan kina ne  
ruwe ne. erumkina anak “*Plantago asiatica*” sekor gakumei an. “*asiatica*” anak  
“*Ajia*” sekor a=ye hi ne ruwe →

ネ。「planta」イタク イペヘ ラテン語 アニ 「ウレアサム」セコロ  
ア・イエ プネワ、「plantago」アナク、ウレアサム コラチ シピラサ ハム  
アンヒ ア・ポロセ プネルウエネ。

漢方 オッタ、サツキナ シンリチ  
アナク 「車前草」セコロ ア・イエ  
プネワ、エブイケ アナク 「車前子」  
セコロ ア・イエ プネ。 「車前草」  
ア・ポブテ ワルリ ア・カラ。  
ルリ アナクネ、オクイマ・アンヒタ  
ネヤ、オムケカラ・アンヒタネ  
ヤ、ホチャク・アンヒタネヤア・  
クコロ ピリカ ルウェネ。

ne. “planta” itak ipehe Raten-go ani “ure-asam” sekor a=ye p ne wa, “plantago” anak, ureasam koraci sipirasa ham an hi a=pórose p ne ruwe ne.

*Kanpō* or ta, sat kina sinrici anak “shazensō” sekor a=ye p ne wa, epuyke anak “shazenshi” sekor a=ye p ne. “shazensō” a=popte wa ruri a=kar. ruri anakne, okuyama=an hi ta neya, omkekar=an hi ta neya, hocaku=an hi ta neya a=ku kor pirka ruwe ne.

[横山 裕之] 沙流・千歳